

Ɔwɔlɔ́á Paulo Lɔ́wanlín Sísí Galatiafɔ

¹ Mí sumbí ɔyɔpɔ Paulo dé ɔwɔlɔ́ ánfí wanlín. Megyí anyánkprɔ́sa ntée ɔhaa lɔ́wa mí. Yesu Kristo mɔ́a aní Sí Bulu ámúú ɔlɔ́kɔ́súa mɔ́ tsú afúlitɔ́ ámú lɔ́wa mí. ² Nde mɔ́ wanlín sísí ɔpasua ání ɔbu Galatia ɔwɔlɔ́sɔ́ fée. Mía Akristofɔ́á bɔ́bɔ́ nfi fée anidé mli itsiá ha ania,

³ “Aní Sí Bulu mɔ́a aní Wíe Yesu Kristo bɔ́gyíi mli bɔ́ale, abɔ́ha mli iwilwii.”

⁴ Yesu anfi lési iwí há bɔ́mɔ́ mɔ́ aní lakpan sɔ́, méní ɔbéle aní tsú ɔyí laláhe anfitɔ́; fée alí ámúú aní Sí Bulu léhie yáí ámú. ⁵ Akánfɔ́ Bulu bré fée. Amen!

Asɔ́n Wankláán Kɔ́kɔ́ Má Iní Ɔma

⁶ Mli Galatiafɔ́, mli iwí lawá mí ifú ání mlilawúna yinkí Bulu ɔ́ma. Bulu lótsɔ́n Kristo awítɔ́lesɔ́ tí mli ɔ́béé, mli bɔ́bwe mɔ́ ahá. Mli kí alíá mlilawúna mli dé asɔ́n bambá hɔ́o mli aa, múgyí asɔ́n wankláán ámú.

⁷ Táme ina ɔ́tsan há asɔ́n wankláán ámú. Aha akú dékléá béyintá mli agywíin, abɔ́tse Kristo asɔ́n wankláán ámú. ⁸ Táme ní aní, ntée Bulu-ɔ́bɔ́pɔ́ ɔ́kɔ́ kúráá lótsu ɔ́súsú bá, beda asɔ́n wankláán bambá kɔ́ ɔ́kan súná mli, ina ɔ́tsan há mɔ́ ámúú anilébláa mli ámú a, Bulu ɔ́lwíi mɔ́. ⁹ Nakó blí asón ánfí, táme ntráa nde mli bláa mbée, ní ɔ́kɔ́ ɔ́bá beda Bulu asɔ́n wankláán bámbá kɔ́ ɔ́kan súná mli, ina ɔ́tsan há mɔ́ ámúú anilébláa mli ámú a, Bulu ɔ́lwíi mɔ́.

¹⁰ Megyí bée, ndekléá ahá bɔ́dwéé mí. Ó-o! Bulu mɔ́boun ndekléá ɔ́dwéé mí. Ní ntráa ndekléá ahá bɔ́dwéé mí á, tekí mmegyí Kristo osúmbi.

Paulo Sumbí Ɔyɔpɔ́ Bwe

11 Mí apíó, ndekléá iwánkɪ mlɪ ání Bulu asɔn wankláán á múú nde mú ɔkan da ámu imotsú nyankpɔsa agywuntɔ. 12 Megyí ɔhaa wá notsúa mú, ntéé ɔku lósuná mí. Yesu Kristo onutó léle mú súná mí.

13 Tsúfé mlɪlanú mí tsiátó asón, alá ngyi bréá mbuo Yudafɔ-osum ámu, pú alá nehie dínká Bulu ɔpasua ámuɔɔ, nɔbɔ mbódíá néhi amú fée. 14 Nɔhɔ gyankpa mí abatɔ Yudafɔ-osum ámutɔ, pú alá nɔwa nsi gyi mí anáin amándíé kugyíkɔsɔ.

15 Táme Bulu lówa awítɔle há mí. Ɔlele mí yáí tsú bréá mbu mí yín iwítɔ, ɔletɪ mí ɔbéé, nyó mu agyómá. 16 Ɔlele mu Bi ámu súná mí, ménɪ néda mu iwɪ asɔn wankláán ɔkan ahá ání bɔmegyí Yudafɔtɔ. Mmɔyɔ ɔhaa wá mbéé, osúna mí asón alɪ bré ámutɔ. 17 Mmɔyɔ Yerusalem mbéé, noyówun Kristo sumbí ayɔpú á múú bubu inɔ asa neba amɔ é. Mboún nenatí laa yó Arabia ɔsulóɔ, neyinkí ba Damasko wúlutɔ. 18 Yesu léle iwɪ súná mí, mú ofi-saasɪtɔ á, nɔyɔ Yerusalem yówun sumbí ɔyɔpú Kefa ání bɔtetráa tɪ mu Petro, netsiá mu wá nke dúanu (15). 19 Mmetrá wun sumbí ɔyɔpú ɔkuku dɔn anɪ Wíe Yesu mu gyama Yakobo.

20 Ɔnɔkwali asón ndewanlín sísí mlɪ. Bulu yin ání mmédé afunu wa.

21 Mú ɔma a, nɔyɔ Siria pú Kilikia ɔsulóɔ. 22 Alɪ bré ámutɔ á, Akristofɔ ɔpasua á múú ibubu Yudea ɔsulóɔ ámu bɔmɔkónyá bí mí. 23 Múá bɔdenu tsú mí iwɪ fée gyí, ahá bɔdeblí beé, “Oyin á múú ɔdɪn anɪsɔ ámu ná ɔde hógyi á múú anɪdé mú asón blí, ɔde anɪ itin ka ámu kén ɔkan da.” 24 Ina mí sɔ bekanfú Bulu.

2

Paulo Mɔa Sumbi Ayɔpɔ Atráhe Amv

¹ Nfi dúana ɔma a, mía Barnaba anlékpa Tito buo ɪwɪ, yínkí yó Yerusalem. ² Bulu léle súná mí ání nyó inu, só nɔyɔ. Alíá mí agyómá mɔɔbwe kpaali su á, negyankpá lé asóntó súná ɔpasua ahande amv nkɔle itsétó. Nebláa amú asɔn wankláán amóú nna nde mú ɔkan da ahá ání bomegyí Yudafɔto ámv. Botsulá dínká mósó. ³ Ibv mótó ání Griikiyin Tito amóú anlékpa buo ɪwɪ ámv gyí, táme bomehie mu beɛ, ɔtín keté. ⁴ Ibv mótóá Akristofɔ afunupu akvá bekí ansí bowie anɪto bekleá ɔtín keté. Tsúfé bodunká ání báyintá ɪwɪsutsiá amóú Kristo Yesu lahá anɪ ámv; abɔbwe anɪ amlí nkpábi ha Yudafɔ mbla ámv. ⁵ Táme animési ɪwɪ há amú kpalobí kúráá, ménɪ ɔnɔkwaliá ibv asɔn wankláán ámvto iméetse ha mli.

⁶ ɔpasua ahande amóú bubu inu ámv bomebláa mi asvansu beɛ, mpótsia asón wankláán amóú ndeblí ámvto. (Iníá nde amú ti ahande kúráá á, megyí beɛ, amú hande amv ibv mi labi, tsúfé Bulu mú tamakí ɔhaa ansító.) ⁷ Táme ahande amv bowun ání Bulu lópu asɔn wankláán ámv há mí ɔbéɛ, ndáa mú ɔkan ahá ání bomegyí Yudafɔto,* fé alíá ɔlɔpvhá Petro é ɔbéɛ, ɔdáa mú ɔkan Yudafɔto. ⁸ Tsúfé Bulu léha Kefa ání butetráa ti mu Petro túmi, ogyi mu sumbí ɔyɔpɔ Yudafɔto. Mu kén láhá mí túmi, ngyi mu sumbí ɔyɔpɔ ahá ání bomegyí Yudafɔto é ní. ⁹ Inu á, ɪwɔwankí Yakobo mɔa Petro pú Yohane amóú buhíé bɔgyi ɔpasua ámv ɔtan ámv ání Bulu lápú alɪ agyómá áñfi kíé mí. Mú su bɔwa mía Barnaba

* **2:7** Ahá ání bomegyí Yudafɔto támatɪn keté. Yudafɔto gyí keté atɪnpv.

ibi, pósúná ání anlabwé kole. Botsulá ání mía Barnaba ayó agyómá ahá ání bomegyí Yudafoto, amó é abuyo agyómá Yudafoto. ¹⁰ Múá bodunká tsú aní wá gyí, akáin amótó ahá ání buma tótosu. Mú kén gyí tóá ndekléá nóbwe é ní.

Paulo Iyinwa Wá Petro

¹¹ Táme bréá Petro léba Antiokia wúluto á, nōwa iyin wá mu ahá ansító, tsúfé tóá olōbwe itépi ma ale. ¹² Bréá oḗba a, mu a ahógyipuá bomegyí Yudafoto butōwá ibi gyi ató, táme Yudafoto ako benya tsú Yakobo wá ba pé, oḗbití iwí lé ahá ámuto, tsúfé oḗde ahógyipu amóú beḗ butín keté ámu ifú nya. ¹³ Iníá ndeblí á, Yudafoto atráhe amu é bubuo Petro apinabwébi ání. Barnaba óó léyinkí yó obu amó. ¹⁴ Nowun ání amó bwehé ámu imekanáa onokwaliá ibu asun wankláán ámuto. Mú su nebláa Petro ahá ámu féé ansító mbéé, “Petro, Yudayin fogyi, táme fomedé Yudafoto amándiésó gyí. Omátófo amándiésó fodegyí. Ntogyi só fude ahá amóú bomegyí Yudafoto ámu hie fēē, bubwée Yudafoto amándiē ání fakíná?”

Hógyisó Bulu Totsun Ho Yudafoto Pó Omá Bámbsófo Nkpa

¹⁵ Yudafoto lókwí mía fonyo. Megyí ahá amóú bomegyí Yudafoto, bomeyín Bulu mbla ámuto atsu. ¹⁶ Táme aní Yudafoto Akristofoto ámu mó aniyin ání megyí Mose mbla ámuso gyí su Bulu totsú oha ání mu asún da okpa mu ansító, nkéti Yesu Kristo hógyi. Mú su anilahō mu gyi, méní Bulu oḗbōtsun mu hógyi amuso há aní asu ní. Tsúfé ní mbla ámuso gyí su mó á, tekti ohaa méegyí asu Bulu ansító. ¹⁷ Anidédunká ání Bulu oḗsūon aní Kristo hógyisu, otsu aní ání aní asún da okpa mu ansító. Táme ní Yudafoto ako bude

anɪ mboun kɪ lakpan abwepɔ á, mómú imosuná ání asukpan Kristo dé anɪ suná a? Ekεkεkε! ¹⁸ Ní nakíná Mose mbla ámv, láyó ndε mósú gyí a, mómú ilosuná ání ito laláε nɔyɔ ndεbwε á. ¹⁹ Tsúfé Mose mbla ámv ilosuná ání nawú. Uεha negyi iwɪ, ménɪ nétsiá nkpa pɔpwε há Bulu. Mía Kristonyɔ beda mántá oyikpalíhεsv ɔhétó. ²⁰ Mú sv ntsie nkpa séi, táme megyí mí onutó tsíε nkpa ɔsvlɔv anfvsv. Kristo, ogyi Bulu mv Bi ámv tsíε mitɔ. Mv́lɔdwε mí, bowu há mí. Mv hógyi sù ntsie nkpa. ²¹ Mú sv mmédé Bulu awítɔle amv kiná. Tsúfé ní Mose mbla ámv sù ɔha obégyi asv Bulu ansító á, mómú kpaali Kristo lówu!

3

Mbla Amvsv Gyí Ntéε Kristo Hógyi

¹ Oo Galatiafɔ aha mimláhe! Ma lálé mli ansí alí? Megyí mli onutó ansító behie lé súná mli alíá beda Yesu Kristo mántá oyikpalíhεsv, mó mv? ² Nfite mli asv́n kua kɔle. Mose Mbla ámvsv gyí léha mlúlenya Ɖhe Wankíhé amv lóó, ntéε asv́n wankláán ámvú mlúlonu, mlúdé mósú hógyi amv sv? ³ Aha mimláhe mlúlkɔkv mligyí alí á? Iníá mlúlpv Ɖhe Wankíhé amv tsúa mli Kristotɔtsiá así mé, mli onutó túmi mlíaa mlúpvmó mú ɔnó ngya? ⁴ Kpaali sù mlúłowun ipian ámv fée asv́n wankláán ámv sv? Megyí kpaali sv! ⁵ Ntráa fite mli. Mli Mose mbla ámvsv gyí sù Bulu lapó Ɖhe Wankíhé ámv há mli, ɔde ofúla é bwε mlítɔ? Ekεkεkε! Alíá mlúlonu asv́n wankláán ámv, hɔ mósú gyí sù ɔlpvhá mli.

⁶ Mlipvki anɪ náin Abraham. Ibv Bulu asv́n wanlínhé amv́tɔ ání, “Abraham lóhɔ Bulu gyi. Mú sv Bulu lótsu mv ání mv asún da ɔkpa.” ⁷ Mú sv

ilehián ání mlébrá ahá amúú bəhə Bulu gyi amv gyí Abraham abí onutó ní. ⁸ Bulu ason wanlínhé amv léblí yáí ání Bulu əbótsəon ahá amúú bomegyí Yudafə amv hógyisv, tsú amú ání amú asón da əkpa. Inı sú Bulu lébláa Abraham ason wankláán amv dododo əbéə, “Fúsú nótsəon yulá əsulósə ahá féeé.” ⁹ Abraham lóhə Bulu gyi. Mó sv Bulu lóyulá m. Mó sv séi ánfı á, Bulu əbópv oyúla amúú ələpvúulá Abraham amv yúlá ahá ání bahə Kristo gyi.

¹⁰ Táme ilwí dın ahá ání amú ansı dın Mose mbla amvsv gyıs. Tsúfé bəwanlın wá Bulu asón amətə bəə, “Bulu lalwí əhagyíəha ání omegyı mbla amúú bəwanlın wá Bulu mbla əwolótó amv féeésú.” ¹¹ Séi á, ilawánkı ání əhaa má ınvá m. mbla amvsv gyı sv Bulu obótsu m. ání m. asón da əkpa. Tsúfé Bulu ason wanlínhé amv léblí əbéə, “Əhá ání m. hógyı sv Bulu latsú m. ání m. asón da əkpa obénya nkpa.” ¹² Mbla amvsv gyı mená hógyisv, táme Bulu ason wanlínhé amv léblí əbéə, “Əhagyíəha ání otegyı mbla amvsv əbótsəon mósú nyá nkpa.”

¹³ Táme anı sú Kristo lémlı əha ilwíhé bréá bəda m. mántá oyikpalíhe amvsv. Mó sv ələə anı tsú ilwí amúú mbla amv létı há anı amv asi. Tsúfé Bulu ason wanlínhé amv léblí əbéə, “Ilwí dın əhagyíəha ání bəda mántá oyısú.” ¹⁴ Kristo lówu, ménı Bulu əbópv oyúla amúú ələhıə há Abraham amv kén yúlá ahá ání bomegyí Yudafə, ménı abótsəon anı Kristo Yesu hógyisv nyá Əhe Wankíhé amúú ələhıə amv.

Mbla Amv Pó Bulu Nihíé

¹⁵ Mı apıó, mpúv nde tsiátó asón kv flo asón ánfı ha mlı. Alı amúú əha ədínká ibwi m. asónsú əbéə, əkv ogyıı m. ató, əhaa má əkpa tse mó, ntée lé ıku mótó amv a, alı igyi ntam amúú Bulu léka há

Abraham amv é ní. ¹⁶ Aní náin Abraham mva mv nanyɔ Bulu léka ntam há. Alí asón ánfí imosuná ání mv aná tsɔtsɔɔtsɔ, mboún mv na ɔkɔle pé. Mv na ámv gyí Kristo a. ¹⁷ Asón ání ndeblí gyí, Bulu léka ntam há aní náin Abraham, ɔledinká ibwi mósú púsúná ání obégyi mósú. Mbla ámúú ɔlɔwa há Mose nfi lafana advasa (430) ɔma amv méetalí ká ntam amúú ɔledinká ibwi mósú ámúú, ntée tse mú ekekekeke. ¹⁸ Tsúfé ní mbla ámúú gyí sv ɔha ibi béda agyapadié ámúú Bulu léhié yáí ámv a, mómú megyí hié Bulu léhié mó yáí Abraham. Táme ɔnɔkwali amv gyí, kie ɔlɔpókíé mv.

¹⁹ Mómú labi mɔmv mbla ámv bu? Bulu lópv mú é mántá mósú, méní ibósuná ahá tóá lakpan gyí. Táme ɔlɔwa mbla ámv ání ibétsiá alí yófon bréá Abraham mv na ámv ɔbéba. Mvgyí mv ató ogyípú ní. ɔlɔpv mbla ámv há mv abɔpv bɔpv bɔwa Mose ibiɔ. Mólɔbwe Bulu móa Israelfɔ nsiné ɔlapú ní. ²⁰ Nsiné ɔlapú tamalíí há ɔbakóle, táme ɔbakóle Bulu gyí.

Labíá Mbla Ámv Ibv

²¹ Bulu mbla ámv ɔkɔsú líí mv nhíhié ámúú ɔlehié yáí ámúú? Ekekekeke! Ní mbla kv ɔbétalíí há aní nkpa ání itamatá á, teki abétalíí gyí asv Bulu ansító, ní anlégyí mósú. ²² Táme Bulu asv wanlínhé amv ɔleblíí ání lakpan lagyi ɔyító ahá féésú plíplíplíplí. Mó sv ató ámúú Bulu léhié yáí ámv igyi Kristo ahógyipv klé.

²³ Táme asa Yesu Kristo hógyi lébá ɔyító á, mbla ámv ɔleklíí aní fé obu adípú. ɔhaa ménya mv iwí, bɔfon bréá Bulu lébele Kristo hógyi ɔwan. ²⁴ Mó sv mbla ámv lóbwé anísv ɔkípú bɔfon bréá Kristo léba, méní Bulu obótsu aní ání aní asún da ɔkpa mv

ansító, tsóon aní Kristo hógyisu. ²⁵ Iníá Kristo hógyi laba su á, imehián aní mbla ámu ɔbétrá bwe anisu ɔkípu.

²⁶ Tsúfɛ mli Kristo Yesu hógyi su mli fɛé mlilabwé Bulu abí. ²⁷ Mli ahá aní mliá Yesu Kristo mlilabwé kule tsɔn asúbɔsu mlilatsú mu tsiátó fɛé. ²⁸ Mú su Yudayin ntée Griikiyin trá ɔma inu. ɔkpábi ntée ɔdíhie, ɔtsi ntée oyin trá ɔma inu. Tsúfɛ mli fɛé mlilabwé kule mliá Kristo Yesunyɔ ikulebweto. ²⁹ Iníá mlilabwé Kristo klé su á, mlilabwé Abraham abí-aná onutó, pú mu ató agyípu. Iní su itó amóú Bulu léhie yáí Abraham amu igyi mli klé.

4

¹ Mliyɔ asón ánfito ki. Ní ɔha owú, sí mu agyapadie yáí mu abí bréá bɔmɔkódan a, bɔgyi fé nkpábi. Ibo mótóá amóú amó sí ató fɛé, ² táme ilehián aní béba iwiasí há amósú ɔkípu alu yófun nfi oduá amó sí lósuná aní bɔhɔ, asa abɔpu ató ámu wa amó ɔbitɔ. ³ Alí aní é anigyí asa Kristo léba ni. Anilóbwe nkpábi há ɔhé, ntée túmiá ide ɔyí ánfisu gyí. ⁴ Táme bréá bré ámu onutó lɔfun a, Bulu lówa mu Bi sísí, ɔha tsihé lókwí mu wá mbla ámu asi. ⁵ Bulu lówa mu aní ɔbá bɔhɔ aní ahá amóú anigyí nkpábi há Mose mbla ámu tsu nkpábitɔ, méní ɔbóbwe aní mu abí onutó.

⁶ Bulu lódunká aní obósuná aní mlilabwé mu abí. Mú sɔ ɔlɔpu mu Bi ámu ɔhé wá aní klonɔ ní. ɔhé ámu téhá anitokpólí mu aníaa, “Abba, mí Sí!” ní. ⁷ Mú su opió, fútráa fúmegyí ɔkpábi, mboun Bulu mu bi. Iníá mu bi fɔgyi su á, mu ató fɛé igyi fú klé.

⁸ Bréá mlumókónyá bí Bulu á, mlilóbwe nkpábi há ikpiá bomegyí tɔtɔ. ⁹ Táme séi mlilabí Bulu, ntée nébli mbéε, alabí mli. Ntogyi sɔ mlidékiléá mléyinkí yósum túmi ánfɛ ɔma labi kukubuku? Ntogyi sɔ mlétrá yinkí yóbwe amó nkpábi fé bré ámu? ¹⁰ Mlidé amándié ku bwe nke kutɔ, tsra kutɔ, bré kutɔ pɔ nfi kutɔ. ¹¹ Mli bwehé ánfɛ sɔ ifú bu mitɔ. Ide mí bwe fé ipian ámóú ndewúun mli sɔ ámu féé íbóbwe kpaali.

¹² Mí apíó, nokókóli mli, nabwé mí iwɛ fé mli. Ntráa mma mbla kuku asi. Mú sɔ mlitsia mí atsiábi. Megyí beε mbéε, mlilapó lalahε kuku gyi mi, sɔ ndε inɛ blí. ¹³ Mlilakáin ání iwɛ ma mí ɔnlun asa neba unɔ beda Bulu ason wankláán ámu ɔkan εke gyankpapu? ¹⁴ Isóki kpɔnkpɔntɛ mí idε ámu lóbwe há mli, táme mú óó á, mlímóbu mí taku. Mboún mlilóhɔ mi fé Bulu-ɔbɔpu, ntée Kristo Yesu onutó kóráá. ¹⁵ Ansí lehié gyi anɛ alɛ bré ámutɔ! Ntɔ lébá? Mí onutó nowun ání ní mlétalí á, tekɛ mlilólotí mli ansíbi wá mí alɛ bré ámutɔ. Mú ntɔ dé mli séi? ¹⁶ Alɛ ámóú ndε mli ɔnɔkwali bláa amu sɔ namlí mli olupú?

¹⁷ Ahá ámóú bodekléá mligyí Yudafɔ mblasu ámu buma mli iwɛ agywun wankláán kuku. Tɔá bodeklé gyí bémain mli lé mísú, ménɛ mlékle amó asún. ¹⁸ Ibo aléá ahá bódunká ání mlidwéε amó, agywun wankláán ɔkpasu. Megyí bréá mbu mli wá wule. ¹⁹ Mí abí adwepú! Iwɛ trá ide mí ɔsin há mli, fé ɔtsiá ikwú de mu dwiín. Nkétɛ mlilanyá Kristo tsiátɔ mlitɔ asa iwɛ bési mí ɔsin. ²⁰ Thíé de mí háan ha mli. Ní mí nkole sɔ mú á, tekɛ mbu mli wá séi, ménɛ nétse mí tɔtɔ.

Hagar Mva Sara Nfántóhón

21 Nfite mli ahá ámúú mlidékléá mlóbuo Mose mbla ámu. Mlímónu asón ání ðéblí asi? 22 Bōwanlín wá Bulu asón ámúú bεε, Abraham lókwí abi yinhé anyo. Ɔkule mu yin gyí ɔkpábi, onyɔɔsi mu yin gyí ɔdihie. 23 Ɔkpábi amu lókwí mu bi keke, táme ɔdihie ámu mó á, Bulu léhie mu yáí ání méha mu obí asa ɔlɔkwí. 24 Mliha anu asón ání asi tson ɔkpa ánfiso. Atsi abanyó ání bulí há ntam anyo ání Bulu léka. Hagar líí há Sinaibusu klé, tsúfé nkpábi mu abí bogyi. 25 Sinaibu ámu bu Arabia ɔmátó. Ilií há nde Yerusalem wúlu. Yerusalem pú mótó ahá féé bogyi nkpábi, Mbla ámu su. 26 Sara mó gyí ɔdihie, ɔlíí há ɔsósó Yerusalem. Mogyí anu yín ní. 27 Tsúfé Bulu asón wanlínhé amu léblí ɔbéε, “Ɖtsi mákwípu, nya ansigyí!

Ɖtsiá ikwí məkódwíín mu kɪ, kplɔn, afusora okitikiti ansigyísó.

Tsúfé ɔtsi ámúú mu kulu lési mu tswi amu obénya abí tsɔtsɔɔtsɔ, ðɔn ɔmɔamúú mu kulu da mu wá ekekegyíeke ámu.”

28 Mí apíó, séi á, mlilabwé Bulu ahá tson mu tóá ɔlehie yáísú; fé alíá ɔlehie yáí asa bɔkwí Isak. 29 Alí bré ámúú á, obí ámúú bɔkwí mu keke, ogyi Ismael amu lédunká Isak amúú bɔkwí mu Ɖɛ Wankíhé túmito ámúú. Alí kén igyi há anu nde ní. 30 Táme nkáli Bulu asón wanlínhé amu léblí? Ɖbéε, “Gya ɔkpábi amu mva mu bi, tsúfé megyí ɔkpábi mu bi ámu mva ɔdihie mu bi ámu obégyi amó sí ató.” 31 Mó su apíó, megyí ɔkpábi amu abí anigyí. Ɖdihie ámu abí anigyí.

Mliki Mli Iwigyɨsu

¹ Anɨ iwigyɨ sʊ Kristo lahá anɨlagyi iwɨ! Mú sʊ mlɨlu kínkínkín. Mlɨmátrá tsulá abɔbwe mli nkɔpábi ha mbla ámv.

² Mlɨnu! Mí Paulo dé mli bláa ání ní mlesí iwɨ há, betɨn mli keté a, ilosuná ání tó ámúb Kristo lóbwe ámv ɨma mli labi kɔkɔ. ³ Ntráa nde mli olá da mbéɛ, ɔhagyíɔha ání ɔleha betɨn mv keté á, ilehián ání obégyi Mose mbla ámv féesú. ⁴ Nde mli bláa mbéɛ, mli ahá ámúb mlɨdé mbla ámv sʊ gyí, ménɨ Bulu obótsu mli ání mli asón da ɔkpa mv ansító ámv mlɨlamáin iwɨ lé Kristosʊ. Bulu awɨtɔle amv ɨlatswɨ mli pan. ⁵ Anɨ mó anɨ ansí dɨn ání Bulu obótsu anɨ ání anɨ asón da ɔkpa mv ansító. Inɨ gyí tóá anɨdé ɔkpa kí tsɔn Ɖhe Wankíhé amúb ɔde agyómá yɔ anɨtɔ, tsɔn anɨ hógysɨv ámv sʊ ní. ⁶ Tsúfɛ ní anɨa Kristo Yesu anɨgyí kɔle a, ketétɨn ntée ketémátɨn mehián. Múá idehián gyí anɨbʊ hógysíá ɨtéhá anɨtɔdwé Bulu pó anɨ aba.

⁷ Tekɨ mlɨdé mbódí bɔ asa. Ma kóún latin mli ɔkpa ɔbéɛ, mlɨmátrá buo ɔnɔkwali amv? ⁸ Megyí Bulu bwehé igyi, tsúfɛ mɔléle mli. ⁹ Mlikan ání bodobodotu-afá kpalobí téhá bodobodo amv fée itotú. ¹⁰ Anɨ Wíe lahá nahogyi, ání mlɨmástrá hɔ ɔha bambá atosunáhé dɔn mí nkɔle klé. Bulu ɔbébití ɔhá ámúb ɔde mli agywɨn damlí ámv ɨsʊ.

¹¹ Mí apíó, ní ntráa nde ɔkan da blí mbéɛ, ilehián ání ahá butɨn keté á, mómó ntogyi sʊ Yudafo butráa bʊdɨn mísú? Mómú ní nde Kristo oyikpalíhesʊ lowu ámv é ɔkan da á, yée ɔhaa méedɨnká mísú o. ¹² Mí sʊ mó á, tekɨ ahá ámúb bʊde mli háan beɛ, ilehián ání mlétɨn keté ámv bawúna flo amú iwɨ.

¹³ Mí apíó, Bulu léle mli ɔbéɛ, mlɨbégyi iwɨ. Táme mlɨmátsɔn mli iwigyí amv sʊ láyótsu mli tsiátó dada

amv. Mboun mlipv odwe sum mli aba, ¹⁴ tsúfé Mose mbla ámv féé líi mbla kule pé ámvú ídeblí obéé, “Dwe fú bá fé fú iwí.” ámvsv. ¹⁵ Táme ní mlílabwé mli iwí fé mbwikítá-atò, mlídé aba fíni, mlídé aba lalá a, mómó mlíkí wankláán; ní megyí alí mléhi aba.

Tsiátó Dada Pó Ɖhétó Atsiábi

¹⁶ Mú sv nde mli bláa mbéé, mliha Ɖhe Wankíhé amv okpa mli. Mómó mlímóobwe tóá mli tsiátó dada tekle. ¹⁷ Tsúfé tóá aní tsiátó dada tekle ihíe na ɔtsan há tóá Ɖhe Wankíhé amv tekle. Tóá Ɖhe Wankíhé amv tekle é ihíe na ɔtsan há tóá aní tsiátó dada tekle. Atoku anyɔ ánfí ílókú só líi abasv, méní mlímóobwe tóá mlitekle. ¹⁸ Ní Ɖhe Wankíhé amv dé mli kpa á, mómó mlímá Mose mbla ámv asi.

¹⁹ Tsiátó dada bwehé telín ɔwan. Múgyí; atsi móa ayín asónwa, agywun laláhe bwe, ifintotsiá, ²⁰ ikpitswéé, afátópleí, olu, ítré, fú nkule klé dunká, oblókpán, ɔnsipe, aba asumánú, iwumáin lé fú abasv, ²¹ okabágyáa, ntábv, pléikpada pú móa ílelián íni aná. Mú aná iwí asón nde mli bláa, fé aliá nebláa mli yaí. Mbéé, ahá ání butóbwé íni odu buméenya Bulu iwíegyi ámvto agyapadié kvkv.

²² Táme ní Ɖhe Wankíhé amv dé aní kpa á, mú abi swiehé ání íbétsiá anito gyí, odwe, ansigyí, iwílwii, íklunya, awítòle, yilébwe, ɔnókwali, ²³ ílwíí pú iwísvgyí. Mbla kvkvkvkv má ínvá íletin alí ntobí ánfí okpa. ²⁴ Ahá ání bvgyi Kristo klé bamó amú tsiátó dada pú amú ɔwólí laláhe Kristo Yesu oyik-palíhe amvsv. ²⁵ Ɖhe Wankíhé amv lahá aní nkpa pɔpwe. Mú sv mliha agyi mv asónsó. ²⁶ Anímátsu iwí súná aba, ntéé wá aba obló, ntéé pé ansí aba atósó.

6

Iku Tsu Lé Aba Asóntó

¹ Mí apió, ní mlitò òkò òbwé lakpan kò á, mlí ahá ámúú Òjé Wankíhé de mlí kpa ámú mlínya klòntò tì kpla m̀v p̀t̀t̀. T́m̀e mlíkí mlí iwí wankláán, m̀ni mlí é mlíméedúda isókí am̀v odutò. ² Mlits̀u ikú le mlí aba asóntó. Ní mlídé mú b̀ẁe alí á, mlídé Kristo m̀bla ám̀sv gyí nì. ³ Ní òkò dé m̀v iwí kú òbé m̀f̀v̀n tógyítótó, t́m̀e omegyí t̀t̀t̀ a, òde m̀v iwí mlé. ⁴ Mlìkap̀v mlí onutó tsiátó kí. Ní ìb̀v alé á, múmó mlétalí p̀ó ìb̀v sí kántó mlí b̀ẁehé sv, mlímó̀p̀v kápú òha bambá klé. ⁵ Tsúf́é anitò okugyíòkò òb̀s̀v̀rá m̀v onutó atò svráhé.

⁶ Bulu asón ám̀v akasípó b̀ỳéé atò wankláán ání b̀v̀v ikú ha amó asunápó.

⁷ Mlímámlé mlí iwí. Òhaa tamamlé Bulu. Òhagyíòha òb̀kp̀t̀í t́á olodu. ⁸ Ní òkò lódu tsiátó laláhe wá m̀v klòntò á, lowu òb̀kp̀t̀í tsú mótó. T́m̀e ní òleha Òjé Wankíhé am̀v lódu tsiátó wankláán wá m̀v klòntò á, òb̀kp̀t̀í nkpa ání itamatá tsú mótó. ⁹ Mú sv yiléb̀ẁe mákp̀v̀n aní, tsúf́é ní abatò mowu aní á, ab̀kp̀t̀í nkpa ání itamatá mú brétó. ¹⁰ Mú sv brégyíbréá anyá mú iwí òkpa á, mlíha ab̀ẁe yilé ha òhagyíòha, títriu aní apió ahógyip̀v.

Itsiáha Pó Oláda

¹¹ Mlíkí atò wanlínhé akp̀v̀nkp̀v̀ntíá napó mí onutó ìb̀v wánlín sísí mlí! ¹² Ahá ámúú b̀v̀dedunká ání bégyi as̀v ahá ansító ám̀v líí mlísv b̀e, mlíháa ab̀v̀t̀n mlí keté ní. Megyí t̀t̀t̀ sù b̀v̀de ínì b̀ẁe. Alíá Yudafò b̀v̀méedunká am̀s̀sù b̀e, b̀v̀deblí b̀e Kristo oyìkpalíh̀sv lowu ám̀v p̀ésó òha òb̀t̀sv̀n nya nkpa. ¹³ Keté atínp̀v am̀v onutó óó b̀v̀tamagyi Mose m̀bla

ámɔvɔ. Táme bɔdekléá mlítɔn keté, ménɔ bópɔtsú
 ɪwɪ súná amó aba ání bahá mlɪlatɪn keté. ¹⁴ Mí mú
 á, ɪmába mótó ání nótsu ɪwɪ ɔyí ánfɪtɔ tɔtɔɔtɔvɔ, dɔn
 anɪ Wíe Yesu Kristo oyikpalíhɛvɔ lowu ámv. Tsúfé
 mv lowu ámv sɔ ɔyító tsiá ɪtráa ma mí labi, mí é
 mma labi kɔkɔ há mú. ¹⁵ Ketétɪn ntéɛ ketémátɪn
 megyí tɔtɔ. Múá idehián gyí ɔha obémɪlí ɔha pɔpwe.
¹⁶ Iwilwii múa nwewúun ɪtó ahá ámúbɔ bɔdɛ mbla
 ánfɪsv gyí amv, pú ahá ání bɔhíé bɔgyi Bulu ahá!*

¹⁷ Asa nékpa mí asún opulu á, mbláa mlɪ. Mlɪtɔ
 ɔhaa mátrá wa mí tóɪ. Tsúfé mí ɪwɪ apɪná ánfɪ
 idesuná ání Yesu ɔkpábi ngyi.

¹⁸ Mí apíó, anɪ Wíe Yesu Kristo ogyíi mlɪ bɔvalɛ.
 Amen!

* **6:16** Ahá ání bɔhíé bɔgyi Bulu ahá gyí Israel pɔpwe amɔ nɪ.

Bulu ntam pɔpwɛ; Nkonya
New Testament in Nkonya (GH:nko:Nkonya)

copyright © 2010 Wycliffe Bible Translators, Inc.

Language: (Nkonya)

Translation by: Wycliffe Bible Translators, Inc.

Nkonya

nko

Ghana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Nkonya

© 2010, Wycliffe Bible Translators, Inc. All rights reserved.

2014-05-01

PDF generated using Haiola and XeLaTeX on 21 Feb 2024 from source files dated 29 Jan 2022

2c5882f1-9b2d-5f5e-bf4f-7030fc58727b